

QURILISH PUDRATI SHARTNOMALARI BO‘YICHA DAROMADLAR VA XARAJATLARNING E‘TIROF ETILISHI

15. Daromadlar va xarajatlarni buxgalteriya balansini tuzish sanasiga pudrat bo‘yicha qurilishni yakunlash darajasini hisobga olgan holda daromadlar va xarajatlar sifatida e‘tirof etish kerak (ya‘ni pudrat bo‘yicha ishlarni yakunlash foiziga tayangan holda). Daromadlar va xarajatlar ular paydo bo‘lgan hisobot davrlarida e‘tiborga olinishi kerak.

16. Belgilangan narxdagi qurilish pudrat shartnomasining natijasi quyidagi barcha shartlarga rioya etilganda baholanadi, agar:

- pudrat shartnomasi bo‘yicha umumiy daromad aniqlash mumkin bo‘lsa;
- pudratchi iqtisodiy foyda olsa;
- qurilish ishlarini bajarish xarajatlarini va foizini aniqlash hamda buxgalteriya balansiga kiritish mumkin bo‘lsa;
- pudrat shartnomasi bo‘yicha qilingan haqiqiy xarajatlarni smeta me‘yorlari bilan qiyoslash mumkin bo‘lsa.

17. «Shartnoma narxdagi» qurilish pudrat shartnomasining natijasi quyidagi barcha shartlarga rioya etilganda baholanishi mumkin, agar:

- pudratchi iqtisodiy foyda olsa;
- qurilish ishlarini bajarish xarajatlari va foizini aniqlash va buxgalteriya balansiga kiritish mumkin bo‘lsa.

18. Agar qurilish pudrat shartnomasi bo‘yicha daromadga kiritib bo‘lingan va moliyaviy natijalar

to'g'risidagi hisobotda aks ettirib bo'lingan mablag'ni olish paytida noaniqlik yuzaga keladigan bo'lsa, u holda to'liq olinmagan mablag' yoki olish ehtimoli yo'qqa chiqqan mablag' qurilish pudrat shartnomasi bo'yicha daromad miqdorini tuzatish sifatida emas, balki xarajat sifatida hisobga olinadi.

19. Qurilish pudrat shartnomasi bo'yicha bajarilgan ishlar foizi shartnoma turiga qarab quyidagi usullarda o'lchanadi:

- muayyan sanaga bajarilgan qurilish ishlari bo'yicha xarajatlarning miqdorini shartnoma bo'yicha umumiy smeta xarajatlariга nisbatan;

- nazorat o'lchovini o'tkazish;

- qurilish pudrat shartnomasi bo'yicha ishlarning jismoniy (fizik) qismini yakunlash.

Buyurtmachidan olingan oraliq to'lovlar va bo'nak to'lovlari bajarilgan ishlar darajasini aks ettirmaydi.

20. Qurilish pudrat shartnomasi bo'yicha natijani ishonchli tarzda aniqlash mumkin bo'lmagan hollarda:

- daromad pudrat shartnomasi bo'yicha qilingan chiqimlar qoplanishi ehtimoli bo'ladigan darajadagina e'tirof etilishi kerak;

- qurilish bo'yicha xarajatlarning ular haqiqiy qilingan davr mobaynida boshlang'ich hisob-kitob ma'lumotlari bo'yicha xarajatlarning sifatida e'tirof etilishi kerak.